



उपराज्यपाल मनोज सिन्हा ते मुखमन्त्री उमर अब्दुल्ला हों बी उनेंगी श्रद्धा सुमन भेंट कीते न।

<><><><><><>

Prez/PM Mahatma Gandhi Messages

प्रधानमन्त्री नरेन्द्र मोदी हों अज्ज इक सोशल मीडिया पोस्ट च श्री मोदी हों आखेया जे गांधी जयंति बापू हुंदे बशेष ते असाधारण जीन गी श्रद्धांजलि देने दा इक मौका ऐ, जिंदे आदर्श मानव इतिहास दी दिशा बदली ओड़ी। महात्मा गांधी हुन्दे आदर्श दी सराहना करदे होई प्रधानमन्त्री हों आखेया जे बापू नै दस्सेया जे दलेरी ते सादा जीवन, इक बड़े बदलाव दी नीह रखी सकदा न। श्री मोदी हों आखेया जे राष्ट्र विकसित भारत दे निर्माण लेई बापू हुंदे आसेया दस्सी दी बता पर टुरदा रौहग।

<><><><><><>

Rajghat Visit

प्रधानमन्त्री नरेन्द्र मोदी- लोकसभा अध्यक्ष ओम बिरला- घरे ते शहरी मामले दे मन्त्री मनोहर लाल हों अज्ज बड्डलै राजघाट जाइयै उत्थे शरदा सुमन अर्पित कीते।

<><><><><><>

International Day of Non Violence

महात्मा गांधी हुंदी जयंति दे मौके अज्ज समूलची दुनिया च अंतराष्ट्रीय अहिंसा दिवस मनाया जा करदा ऐ। जून 2007 च संयुक्त राष्ट्र महासभा नै अहिंसा गी सारी दुनिया च मने जाने आहले सिद्धांत दे तौरा पर मानता देने ते अमन-रमानदारी ते सहिष्णुता दी वैश्विक संस्कृति गी बढ़ावा देने ताई इक प्रस्ताव पारित कीता हा। इस प्रस्ताव दा 140 शा बद्ध देसे समर्थन

कीता। इस करियै अज्जै दा ध्याड़ा अंतराष्ट्रीय अहिंसा दिवस राष्ट्री शरदांजलि ते वैश्विक कारवाई दा आहवान दौने कन्नै जुड़े दा ऐ।

<><><><><><>

Vijayadashmi

“विजयदशमी” यानि “दशहरें” दा त्योहार अज्ज समूलचे देसै च मनाया जा करदा ऐ। बुराई पर अच्छाई दी जित्त दा प्रतिक “दशहरें” नरातें ते दुर्गा पूजा दे समापन दा बी प्रतीक ऐ। ए त्योहार भगवान राम दी रावण पर जित्त दे चेतें च मनाया जन्दा ऐ।

<><><><><><>

Prez Vijayadashmi Message

राष्ट्रपति द्रौपदी मुरमू होरें देशवासियें गी “विजयदशमी” दियां शुभकामनां दितियां न। राष्ट्रपति होरें अपने सनेह च आखेया जे “दशहरें” दा त्योहार अधर्म पर धर्म दी जित्त दा प्रतीक ऐ ते ए असेंगी सच ते न्यां दी बतै पर टुरने दी प्रेरणा दिंदा ऐ। उनें गलाया जे “दशहरा” क्रोध ते अंहकार जनेई नाकारात्मक प्रवृत्तियें गी छोड़ने ते त्याग ते दिलेरी जनेई सकारात्मक मुल्लें गी अपनाने दा सनेहा दिंदा ऐ। राष्ट्रपति होरें मेद प्रगट कीती जे “विजयदशमी” दा त्योहार असें सारें गी बरोबरी ते न्यां दे आदर्श पर समाज ते देश निर्माण लेई प्रेरित करोग।

<><><><><><>

PM Vijayadashi Message

प्रधानमंत्री नरेन्द्र मोदी होरें अपने सनेह च आखेया जे ए त्योहार बुराई ते झूठ पर अच्छाई ते धर्म दी जित्त दा त्योहार ऐ। सोशल मीडिया पर इक पोस्ट च श्री मोदी होरें कामना कीती जे दलेरी-समझदारी ते समर्पण म्हेशा लोकें दी रहनुमाई करदे रोहन।



<><><><><><>

## POJK Protest

पूरे पाकिस्तान अधिकृत जम्मू-कश्मीर च पिच्छले त्रंऊ दिनें थमां चला रदे हिंसक विरोध-प्रदर्शनें च घट्टो-घट्ट 12 लोक मारे गे। प्रदर्शनकारी सियासी ते आर्थिक शकैते दे चलदे पाकिस्तानी सुरक्षाबालें कन्नै भिड़ा रदे न। कल होई दी हिंसा दी ताजा घटनाएं च नीलम पुल दे दुइयें थाहरें होई दियें हिंसक झड़फ्फें च 8 नागरिक मार गे। बड़े मते हथियारें कन्नै लैस पंजाब Province थमां पाकिस्तानी सुरक्षाबालें POJK दे कस्बें च फ्लैग मार्च कीता। एहदे इलावा कोई इक हजार सुरक्षकर्मी इस्लामाबाद थमां बी भेजे गे। एह विरोध-प्रदर्शन पिच्छले हफते होए दे बड़े माड़े हादसे दे विरोध दे चलदे होआ करदे न। जिसलै पाकिस्तानी हवाई सेना आसेया कीते गेदे हवाई हमलें च खायबर पख्तूनवा च 30 आम शहरी मारे गे हे। तौआई United Kashmir People's National Party –UKPNP दे प्रवक्ता नासिर अज़ीज़ खान नै संयुक्त राष्ट्र ते अंतराष्ट्रीय समुदाय गी POJK च पाकिस्तान दे बधदे दबा पर रोक लाने लेई दखल-अंदाजी दी अपील कीती ऐ।

<><><><><><>

## Sewa Parv PM

सेवा ते सुशासन दे मूल मंत्र थमां प्रेरित होइयै प्रधानमंत्री नरेन्द्र मोदी हुंदी नुमायंदगी च सरकार बदलाव ते तरक्की आनने लेई अनथक कोश्टां करा करदी ऐ। अज्ज इस टकोहदी कड़ी “सेवा पर्व” च अस ध्यान इस गल्ला पर देआ करने आं जे मोदी सरकार नै आप्रेशन सिंदूर राहें किस चाल्ती राष्ट्री सुरक्षा, फौजी ताकत ते स्वदेशी तकनीक च श्रेष्ठता बक्खी भारत दे अनत्रुट ध्यइयै गी दस्सेया.

<><><><><><>

## Weather

जम्मू-कश्मीर च स्थानीय मौसम विभाग दी सूचना मुजब मौसम दी पैहली बर्फबारी औंदी 5 थमां 6 अक्टूबर तोड़ी होई सकदी ऐ। इस दौरान दिनें दे तापमान च महसूसने जोग कमी औग। आकाशवाणी जम्मू दे संवाददाता दी रिपोर्ट मुजब पेशगोई दे मुताबक 4 अक्टूबर तक्कर जम्मू-कश्मीर च मौसम खुशक रौहग, पर संजा तक्कर जां 4 अक्टूबर दी रातीं हलकी बरखा, बदले दी गरजनें ते हवाएं दे झुल्लने दी संभावना ऐ। औंदी अक्टूबर 5 थमं 7 तक्कर मौसम विभाग नै गासै च बदल घनोए रौहने ते रुकी-रुकियै घनी-घनौन होने दी पेशगोई कीती ऐ। तौंआई कल जम्मू च दिनें दा बदोबद तापमान 33 इशारिया 5 डिग्री सैलसियस ते रातीं दा घटो-घटो तापमान 24 इशारिया 5 डिग्री सैलसियस दर्ज कीता गया।

<><><><><><>

## Prog.-Announcement

आकाशवाणी जम्मू दा क्षेत्रीय समाचार एकांश “सेवा पर्व 2025” दे तैहत अपने विशेष कार्यक्रमें दी श्रृंखला दा 8मां ते अखीरी कार्यक्रम अज्ज हुने कोला किश चिरे मगरा साइडे 9 बजे प्रसारत करने जा'रदा ऐ। 30एं मिन्टे दे इस विशेष कार्यक्रम दा विषय ऐ- “दफा 370 गी खत्म करने दे बाद जम्मू-कश्मीर च बदलाव” । इस कार्यक्रम च स्हाड़े परौहने होडन अनुभवी इतिहासकार, लेखक ते सियासी विश्लेषक प्रो. हरिओम जेहड़े इस विषय दे बक्ख-बक्ख पहलुएं पर अपने विचार सांझे करडन। इंदे कन्नै गल्लबात करडन स्हाड़े न्यूज एंकर जगमोहन शर्मा ते आलम खान। एह कार्यक्रम हुने कोला किश चिरै परैन्त 9 ½ बजे स्हाड़े इस्सै चैनल मीडियम वेव 303 मीटर यानी 990 किलोहर्टस ते FM 100 इशारिया 3 मैगाहर्टस पर प्रसारत कीता जाहग।